



QUÆSTIO MEDICA,

Quodlibetariis disputationibus manè discutienda in Scholis Medicorum die Jovis nonâ Februarii 1708.

M. STEPHANO FRANCISCO GEOFFROY, Regiæ Scientiarum
Academiæ Parisiensis Regiæque Societatis Londinensis
Socio, Doctore Medico, Præside.

An Erethismi Sedatio, Morbi Curatio?

I.

VARIÆ quidem ac mirum in modum discrepantes de Principiis Medicis sententiæ! hinc artem medicam merè opinabilem totamque conjecturâ contineri colligis? Immeritò. Unde igitur summa illa Medicorum dissensio? Ex diversâ istâ facie, quâ se perfecturantibus Natura concipiendam præbet. Observa, si lubet, expressis ejusdem exemplaris, statuae, verbi gratiâ, eujusdam, variis à pictoribus imagines eandem inter ipsos, quam inter Medicos deprehendes discrepantiam. Hic præcipuas tantummodò notat partes, rudique adumbrat penicillo. Ille studiosus flexus omnes ac circuitus delineat. Alius curiosè vel levissima quæque depingit. Varii varium statuae situm exhibent. Alii nitidam & collustratam, alii abditam & opacam designant. Sic unicam veluti innumeram reddunt. Ex illâ imaginum varietate confusionem gigni judicabis? falsò. Hinc è contrario oritur perfecta numerique omnibus absoluta statuae desertio. Quin tu idem sentis de variis atque inter se dissidentibus Medicorum opinionibus? Naturam sibi proponunt omnes investigandam & describendam. Quidam ex iis ad primas, quas vocant, qualitates sive in homine sive extra, calidum scilicet, siccum, frigidum & humidum attendit, rudique in istâ conquisceit naturalium effectuum adumbratione. Quidam verò diligentius indagat cæteras corporum qualitates sensibus obvias, purâ amarum, salum, dulce, acidum, acerbum, oleosum, &c. Hic quod in naturæ venis, ut ita dicam, & visceribus penitus inclusum latet, scrutatur: partium figuram ac dispositionem evolvit: salium, sulphurum, aquæ, terræ moleculis congruentem figuram tribuit. Ille nativum quemdam fingit calorem humoremque radicatus insunt plutimorum causam effectuum, quos alter Arehæo, alter quibusdam facultatibus, is animæ sensitivæ, ille spiritibus animalibus, alius cuidam nervorum præditi, alius verò organicæ partium dispositioni adscribit. Hec omnia, res una, sed variæ picturæ, varia nomina. Quidam morborum causam in primatum qualitatrum excessu vel defectu ponunt, quidam verò in relaxatione aut coarctatione: alii humorum sive effervescentiâ, sive putrefactione, sive exaltatione varias agritudines creari censent: alii fibrarum crispaturâ & inertia, secretionum circulationisque intermissione, succorum crassitudine eadem gigni autumant. Ne rationibus argumentisve destituta varias istiusmodi opiniones, aut ita multum à vero abluere putes. Immo ex his inter se collatis exploratissimè que veritatem erucere non frustra tentabis. Unica causa, varii effectus. Constant illa, immutabiles ipsi. Causa latet, unde diversâ Opinio. Effectus patent, unde unanimis Consensus. Quod olim observarunt antiqui Medici de naturâ hominis, de modo quo se habet ad omnia, de morborum initio, incremento, fine, tempore, mutatione, vielsimilitudine, symptomatis, nunc idem quoque observatur. Ex his constatur Medicinæ Theoria: his quoque astruitur Medendi Ratio. Utraque ab Hippocratis ævo aucta tantum, non immutata: Noteticorum inventis collustrata, observationibus assidue comprobata. Hanc ab Hippocrate & priscis Medicis commonstratam viam, à pericissimis cujuscunque ævi calcitram si quis nomine tantum Medicus reliquerit, ægrotis perniciem, sibi parat dedecus. Quò potissimum tendat recta hæc medendi via, Queris? Eò nempe, ut illud imprimis tollatur, quod functiones immediatè lædit, quod morbi cujuscunque symptomata patiens ac fovet, quo tandem sublato restituantur functiones, symptomata evanescent. Qui igitur artis minuter hæc præstare noverit, is reipsâ Medicinam sibi vindicat.

NIHILO MINUS constans est Praxis Medica, quantumvis variae, quae in curandi ratione adhibentur methodi. Ab Empiricis solâ fœtis experientiâ, à Methodicis generalia duntaxat laxationis aut coarctationis indicia pendebantibus, à Dogmaticis causas non modo proximas & patientes, sed remotas etiam absconditasque investigantibus morbi sæpe sanantur; atque in hac triplici disciplinâ plures extiterunt præstantes medici. Ratus *Hippocrates* Medicum naturæ tantummodò adiutorem esse ac veluti administrum, illam operantem solùm observabat, nihil non ipsi permittens. Quid ergo tantus ægrotis præstabat Medicus? Vires ad morbum domandum idoneas. Quæ tandem viâ? Dietâ præcipuè, interdum excitato vomitu, rarò solâ adhibita purgatione; phlebotomiâ parciùs, fomentis verò, frictionibus, balneis, largiùs utebatur. *Erasistratus* nimiam corporis repletionem, à quâ morbos omnes fluere censebat, ciborum abstinentiâ, corporis exercitatione, vomitu, ligaturis, fomentis, balneis sive calidis sive frigidis, cataplasmatibus, unctionibus solebat compescere. Nunquam verò aut rarissimè sanguinem mitti volebat. *Asclepiades* optimum corporis habitum in iustâ poros inter seu canales, liquoresque ipsius contentos ratione postum esse opinabatur. Ex eadem perturbatâ morbos oriri affirmabat. Molecularum incusabat crassitiem tenuitatemve, aut vasorum relaxationem vel constrictionem. Quid inde? Communes illas morborum causas communibus remediis oppugnabat, gestatione potissimum, frictione, vini & aquæ haustu. Sanguinem mittebat, rarò ciebat vomitum; ac purgationem veluti plûs damni quàm auxilii ferentem prorsus respuebat. *Themiso* communibus morborum omnium indicii intentus laxam nimis, nimisve strictam solidorum compagem, spissiore aut fluidiore liquorum habitum restituere conabatur: remediis itaque relaxationem aut coarctationem invehentibus utebatur: ad phlebotomiam confugebat ut totius corporis, ad hirudines verò & cucurbitulas, ut cuiusdam partis strictam nimis habitudinem resolveret. *Asclepiadis* & *Themisonis* vestigiis insistentis *Thessalus Memorvriæon* induxit, cuius ope pororum corporis vitio mederi cogitabat. Quæ autem *μετασχηματις* vocabat remedia erant rubrificantia, vesicantia & genus omne causticorum. Triduum quoque incunte morbo instituit ciborum abstinentiâ, *Διαιτης* dicebatur. A purgatione maximè alienus, sed ut *Themiso* in deligendis cibis, medicandoque, sive ad laxandam sive ad densandam, aère summe cautus. *Galenus* Dogmaticorum facile princeps corpus humanum, quemadmodum cætera naturæ corpora, ex quatuor elementis putâ igne, aquâ, terrâ, aère coalescere autumat. Primariis eorum qualitatibus calido, frigido, sicco & humido variè inter se compositis oriuntur (ad illius mentem) quatuor præcipui corporis humores, Sanguis, Bilis, Pituita, Melancholia. Positâ humorum æqualitate exsurgit Sanitas, eadem subversâ Morbus: Plethora, si omnes humores redundant: Cacoehymia, si quidam cæteros exuperat. Vires tueri, Morboque obniti, Galeno omnis curandi methodus. Quod ut præstaret, vires iis rebus, quæ cum agrotantium corporum qualitatibus consentirent, servari: Morbum verò iis, quæ cum morbi causâ qualitate pugnant, propulsari arbitrabatur. Alimenta Medicamentaque universa in calida, frigida, sicca & humida dividebat, quæ singula variè pro variis gradibus, ad maiorem minoremve sedandam intemperiem accommodabat. Sanguinem quandoque, rarò tamen, ad deliquium ulque agrotantis mitti jubebat. Cæterum phlebotomiam non plûs terve quaterve, idque primùm ingruente morbo iterabat. Purgantiâ frequentius quàm *Hippocrates* adnitebat. Quamplurimus utebatur remediis tum simplicibus tum compositis, anodynis præsertim ac somniferis ad fluxiones sistendas & dolores demulcendos potius quàm ad somnum conciliandum, balneis insuper ac frictionibus plurimum confilis. Empirici neglectâ prorsus causârum morbi investigatione, Diagnosi unicè studebant, ad ejus normam remedia præbebant, quotquot erant usu comperta, dietâm, phlebotomiam, emetica, purgantia, somnifera, fomenta, lotiones, frictions, unctiones cunctaque medicamenta tum simplicia tum composita. Horum alia ratione quarumdam partium, alia ratione morborum quorundam, illis specificâ videbantur. Siquid in methodicorum aut dogmaticorum praxi felix salutarumque advertebant, illud quoque exsequerantur, omisiss tamen, quas illi proferebant, rationibus. Hos tamen Medicos omnes & quamplurimos alios quantumvis inter se dissidentes felicem in medendo operam posuisse certum est. Non igitur peculiaribus Medicorum sententiis nititur Praxis medica, sed principio quodam universali, in quo omnes consentiunt, nempe tollendum esse, quod morbum efficit & fovet. Quid quæso istud est, nisi communis omnium morborum Causa, dicam, an Essentia? hæc autem variis sub speciebus à quibusdam Astrictio, Laxatio, Obstructio, Fluxio nuncupatur, ab aliis Intemperies, Calor, Plethora, Inflammatio, Dolor. Sed quocunque nomine, quocunque aspectu variis in morbis ipsam deprehendas, modò debite oppugnes, expugnabis. Qui igitur morbum non expugnat, ejus causam vel essentiam is certè non oppugnavit: imò ipsam fortasse propugnavit.

DUPplici partium genere, solidarum nempe & fluidarum tota contextitur humana compages. Solidæ fibrillis constant plûs minusve densatis, quarum aliarum admodum extensæ etiam

membranaceam, aliæ verò in unum veluti fasciculum firmum & durum compactæ laminas ostas
 conficiunt. Ex iisdem fibrillis leviter stipatis coalescunt muscoli, quorum usus in copositus est, ut
 sanguinem intrâ ipsorum tubulos ex canalibus effluentem modò retineant, modò dimittant. Ca-
 nales omnes sunt varicarum contextus. Glandulæ, horumce canalium glomera. Viscera omnia,
 novum horum omnium textum. Fibræ, quæ sunt istiusmodi veluti liciorum stamina, miro quo-
 dam clatere donantur, cuius opè modò contractæ modò remissæ motum servant perpetuò oscilla-
 torium. Corporis fibras fidibus dixeris similes quæ semel pulsæ aliquandiu vibrant. Motus iste
 in ortu incipit, in interitu desinit; immò tota vita oscillationibus continetur. Fibras vibrantes in
 peristaltico intestinorum motu, in tremulis animalium recens casorum carnibus, in pulsu avulsî
 ranarum cordis cernere est; quod si minutatim concidatur, singulæ partes eodem ordine moveri
 pergunt, donec exsiccatæ fibræ motus intereat. Si à motu calor pendeat, cur neges debitam fi-
 brarum agilitatem per *calorem*, quem veteres *innatum* dixere, requisitamque fibrarum ad oscil-
 landum molliem per *humidum primigenium* intelligi posse? Continuo per vitam fibræ exsiccan-
 tur & durefcunt. In pueris molliores sunt, ideoque debilis oscillatio, in adultis firmiores, ac
 proinde oscillatio vivida, in senibus paulatim rigescunt, donec tandem ad oscillandum profus inepte
 fiant, unde animalis interitus. Huiusce motus principium quæris? num in Durâ matre, num in
 Corde primò exordiat? frustra. Audi Hippocratem. *Principium corporis nullum est, sed omnia*
similiter principium & omnia suis: circulo enim scripto principium non invenitur. Movet & movetur
 utrumque Cor scilicet & Dura meninx. De causâ oscillationis ne sis magis sollicitus. Quod clatè-
 rem corporum, fidium pendulorumque vibrationes fovet, idem fibrarum oscillationem parit &
 servat, quamdiu ad motum flexiles sunt. Illud, si lubet, *πνεῦμα, spiritum instum, vel corpus vitæ,*
spiritus animales, materiam subtilem, aut alio quocunque nomine nuncpes: Quid præterea?
 num istud magis tibi perspectum erit? Ludis operam in investigandis causarum causis; quod vix
 unquam Philosophus, frustra assequatur Medicus. Ut vita, quod ad solida spectat, ex debitâ
 fibrarum oscillatione, ita valetudo ex aquâ earum motus recipiacione pendet. Fibrarum genus
 utrumque carnearum & membranacearum reciproco Systoles & Diastoles motu assiduè exercentur.
 Quodque in minutissimis ejusmodi partibus, idem in organis, quæ inde oriuntur, cernere est. Prin-
 cipes enim corporis partes, sine quibus vita stare nequit, cor, ejus auriculæ, arteriæ, venæ ipsæ,
 dura meninx, diaphragma omniaque respirationis organa in eodem pariter recipiacionis motu ver-
 santur. Quid dicas de motu ventriculi & intestinorum, quem vermiculatem vocant? nonne quoque
 ex fibrarum Systole & Diastole ortum ducit? Quod in istis partibus palam est, de cæteris conji-
 ciendum. Membranas, Glandulas, Viscera contrahi & remitti pariter necesse est, ut vel ultimas fi-
 bras succus nutritius subeat, secretionemque peragantur. Ne tamen motum ad sensationes requisi-
 tum cum static fibrarum oscillationibus confundas. Quantumvis agitetur Campana, ni pulssetur,
 nullus fit sonitus. Percussu opus est, ut singulæ ipsius particule succuti ac tremere possint. Sen-
 satio pariter non peragitur, nisi fibrarum particule peculiari quidam agitatione vel succussu ab
 organo ad principium usque sensum moveantur. Quemadmodum autem corporis sonori particule
 tam valide concuti possunt, ut ab invicem dissiliant: quod cyathi vitrei, qui unus vocis sono diffin-
 gitur, exemplo patet: ita in sensationibus vehementior concussus fibrarum particulas tantum non
 disjungit, oscillationem aut debilitat aut perturbat aut aliquandiu moratur. Illud ipsum est fibra-
 rum *Erethismus*. Si nimius sit, doloris sensum, si levior, voluptatem cteat. Non penès unicam
 solidorum librationem corporis Sanitas. Corpus enim tubulorum series, quos assiduè rigant
 fluida. A solidis motum omnem mutantur, atque ideo ab iisdem superanda est liquorum resi-
 stentia. Solidorum nisi fluida commolentur, adeoque attenuantur, ut extremas corporis fibras
 subire, canales vel tenuissimos alluere, ac tandem per emunctoria quæcunque vel cutis poros sece-
 dere possint crassi admodum, viscosi, ideoque ad motum parum habiles corporis succi. Sunt enim
 ipsissima, quibus vescimur, alimenta sive solida sive fluida, quæ, ut in propriam corporis substan-
 tiam vertantur, stipanda adhuc & densanda sunt. Vi magnâ itaque opus est ut solide partes corpo-
 ris succos commolere, fluidosque effluere queant: quæ si vel leviter imminuantur, densi harent succi,
 atque in minimis canalibus subsidunt; Quàm facile sanguis extra corporis vasa coaguletur nemini
 non notum. In eo igitur ex parte liquidorum posita est Sanitas: ut debitè & assiduè terantur, liberè
 canales omnes vel tenuissimos insistant, superfluaque aut noxia excernantur. Quod ut peragatur ea
 est solida inter & fluidas corporis partes necessitudo, ut quantum crescit fluidarum mora, tantum
 ceteræ solidarum niscus; qui tandem si impar sit superandæ liquidorum moræ, tunc præter morem
 accelerantur fibrarum oscillationes: ubi igitur moratur liquorum cursus, ibi pulsus arteriarum
 vehementior; rursus autem vivente sanguinis morâ, pulsus cordis increbrescit usque dum ipsam
 vicerit. Huiusce accelerationis ratio ex fidibus petenda est, quæ mediocriter tensæ debiles undula-
 tiones peragunt, vividiores verò, si magis extendantur, ac tandem crebriores, si ad summum disten-
 dantur. Ita, cursu sanguinis tardato, vasa mediocriter intumescentia fibras, quibus contextuntur,

validius extendunt, unde crebriores redeunt oscillationes. Quin & liquores diuturniori morâ acriores fiunt; partesque vellicando ad oscillationes magis accelerandas, vel etiam perturbandas excitant. Sanitas itaque ab oscillatione liberâ, facili & temperatâ. Hinc cordis & arteriarum pulsus, hinc dura meningis & aliarum membranarum Systole & Diastole, hinc tandem motus partium omnium reciprocus omneque solidorum actiones debite peraguntur: necnon sequitur optima liquorum habitudo, rirè conterentur, liberè fluunt, facili fecerentur. At si Erethismo concitæ fibrarum particulae oscillationes immutent aut conturbent, statim tota afficietur corporis œconomia plus minùsve per modulo Erethismi, aut ratione partium, quas ille vexabit. Inde functionum intermissio aut immutatio innumeraque symptomata, quæ nonnisi sedato erethismo desinunt.

I V.

MORBUS omnis, si ad essentiam spectes, fibrarum Erethismus. Ne dubites, sedulus attendas ad communia morborum omnium symptomata: Calorem scilicet præter naturam & Dolorem: necnon ad alia, quibus ea non raro stipantur, tumores nempe, inflammationes, convulsivas partium tensiones, sitim, aidentes & flammeas urinas, spumantes subrufas virides aut nigras dejectiones, biliosam aut eruentem exspuitionem, innumeraque hujuscemodi; quorum causam in Erethismo nemo non reposuerit. Dum certo ac temperato motu oscillatur fibra, ut naturalis est, qui ex eo nascitur calor, sic nec acerbior, quæ in mente excitatur perceptio: immò vigente sanitate mens in eâ indolentiâ & tranquillitate versatur, ut ex iis, quæ in corpore peraguntur, nil sentiat. Quid si, quâdam superveniente causâ, singulas fibrarum particulas infectus fremitus aut irritationis motus concutiat, tunc caloris ardorisve sensu in parte affectâ, doloris verò, si præter modum ingravescat, mens afficitur. Ab hac irritatione æquabilis totius fibræ oscillatio perturbatur vel etiam exstringitur, succorum per fibrarum canales fluentium cursus aut minuitur aut prorsus sistitur: tunc hærentes succi nec satis conteruntur, nec probe defæcantur, inde vacuationes aut præavæ aut perè nullæ. Quorum ratio: em si perferutari velis, fibram tibi effinge tanquam fistulam ex lamellâ quâdam tenui in spiram convolutâ & in tubum angustatâ compactam. Oscillare dicitur, dum alteratim contrahitur & extenditur. Hujus diameter in contractione crescit, in extensione minuitur. Sic variis in fibræ oscillationibus, contractionis & extensionis vicissitudine, succi fistulâ contenti protruduntur, nec nisi repetitis moventur succussibus. Si jam infecto fremitu commoveatur unaquæque fistulæ spirâ, ejus Systoles aut Diastoles motus minuitur, & æquabilis fibræ perturbabitur oscillatio, vel etiam prorsus cessabit, si oscillationum motum fremitus iste longè superet. Fibra verò ab oscillatione cessans rigida fit & velut crispata. Fibrarum Erethismum *Crispaturamve* innumera excipiunt cum in solidis tum in fluidis gravissima symptomata. Erethismus tumores procreat, cum, ob plurimas in hac parte laborantes fibras, succos impeditos per canalium longitudinem redundare necesse est. Pulsatio inibi percipitur, cum sanguis ægrè vehitur per artetias minimas fibrarum tumore contrictas. Accenditur febris cum, retardatâ universâ sanguinis circulatione, acceleratur cordis & arteriarum pulsus, ut eadem semper sanguinis moles ad omnes partes deferatur. Inflammatio accedit, cum, fibris partis ægrotae vehementer irritatis & concussis, pars incalcescit & ardet, necnon cum sanguis ad extremum usque arteriarum vibratus impeditur, arterias vel minimas tumescit & conspicuas præbet. Abscessus gignitur, cum disruptas inter fibras succus nutritivus diffunditur, ibique subsidens & acrior factus proxima quæque corrodingo tandem se exerit. Gangræna oritur, dum succis obstrukcióne deentis, pars quæ ab ipsis nutriri solebat, funerata marcescit. In partibus membranosis diutius Erethismo affectis sensim coagulantur aut penitus obdurantur succi; unde cartilaginosa fiunt & interdum ossæ quædam membranae. In carneis verò partibus ex diductis laniatilisque carniū fibrillis scirrhi & sarcomata enascuntur. Acerimus est Erethismus in morbis acutis, quos gravissima comitantur symptomata, ad extremum necnon ad mortem sæpe immaturam citò perducta. Is in deliriis & phrenitide cerebri membranas: in pleuritide pleuram: pulmones & thoracis membranas in peripneumoniâ: in anginâ fauces: jecur in hepaticide: renes in nephritide in ischuria & dysuria vesicam: in febris ardentibus abdomen, thoracem vel caput: non raro etiam, ut in variolis, morbillis, aut putridis febris, universum corporis habitum afficit. Morbos chronicos, qui non diuturni sed mensium aut annorum circuitu desinuntur, perferutare. Quid in iis aliud se prodit, quàm fibrarum irritatio? Phthisi laborantium Symptomata, tussis aspera, assidua febris, calor urens & præter naturam, sitis, vigilie, flammeæ urinae, exsiccata & attenuata corporis habitudo immo dicke universalesque Erethismi nomine manifesta sunt indicia? Acerbos capitis dolores, lumborum torulique corporis gravitatem, cordis arteriarumque palpitationes, lentam febrim, quâ laborant virgines ob mensium suppressionem languidæ, quis ab Erethismo oriri inficias ierit? Epilepsia insulcus, Rheumatismi & Podagræ cruciatus, luis veneræ dolores quis eadem non adscripserit? Verùm ille in hystericiis hypochondriacive affectionibus præcipuam vim exerit, & ita dominatur, ut vicissim pariat singulos, quibus corpus occupatur, affectus. Hinc mæstitia, timiditas & ignavia, animi dejectio aut desperatio.

Hinc pariter gutturi, diaphragmati, & infimi ventris musculorum spasmus, artuum tremor, dolor capitis terebrans quasi à clavo infixio, vomitiones, dejectiones biliosæ, cordis & arteriarum palpitantes, tussis, urinae suppressio, & limpida nonnunquam urinae ejectio, summum partium externarum frigus quasi cadaveris, pyralismus quasi à mercurio excitatus, risus aut lachrymæ sine causâ effusæ. Eadem affectiones asthma, iliacam passionem, dolores colicos, nephritim, intus epilepticos, apoplexiam & paralysem sæpe mentiuntur. Hæc autem symptomata ita ex improvviso adoriuntur, subinde cessant, & in alia convertuntur planè diversa, prout Erethismus has vel illas partes aggreditur. At, inquit, ubinam Erethismus in hydrope, laxâ nimirum & aquis madente totius corporis compage? sed cave decipiaris symptomatis, quæ in ejusmodi morbo prima sese offerunt. Accuratè perpendas ardentem ægotantium sitim, urinas paucas crassas & rubras, febrem lentam sed ferè assiduam, & alia, quæ exundationi præverunt, incommoda, & quæ non nisi ab Erethismo tanquam à causâ primariâ profecta deprehendes. Mirum sanè quàm facillè irritatio, quæ sæpe proxima quæque non afficit, citò transeat ad partes etiam remotissimas, prout in illis fibrarum tonus cum inflammatione parte convenit. Phrenidem non rarè urinarum suppressio, plerumque dolorem nephriticum vomitio, diaphragmatis inflammationem delirium comitatur, quorum communis causa Erethismus. Nec idè semper irritationis immunes dixeris partes partis inflammata viciniores: sæpissime enim inflammatus digitus proximum inflamat: pleura inflammatione pulmo sæpè inficitur, siquæ pleuritidem excipit peripneumonia lethalis. Quidam sunt morbi, in quibus modò hæc modò illa pars Erethismo torquetur. Causam quæris? attende. Illud inde nascitur, quòd fluidi quædam partes in canaliculis propter crassitiem immorantes, eosdem ultra modum extendunt, ac prondè irritationem acciunt, donec crebris succussibus expulsi tandem in maximos canales insistant. Tunc, quæ percipiebatur, irritatio desinit, sed rursus in aliâ parte sentitur, ubi vitiatum istud fluidum ad alios pervenerit meatus, in quibus denuò aut propter eorum tenuitatem aut propter oscillationis debilitatem morabatur: quod quidem videre est in arthritide, in quâ scilicet dolor, inflammatio, tumor varias vicissim partes occupant. Cessat quandoque Erethismus, subinde tamen statò tempore recursum, velut in quacumque intermittente febre & quolibet affectu periodico. quod ita accidit, seu quòd depravatus humor Erethismo attenuatus magnitudo in canales delapsus denuò crassitiem contrahat, unde novæ rediturae sunt exacerbationes, seu quòd eodem humore soluto alter non deficiat. Nonnunquam accidit, ut quamplurimis in partibus Erethismi cum oscillatione juncti vis acrior cæterarum visum superet, & nativum solidorum tollat æquilibrum. Sic cordis & arteriarum oscillatio Erethismo concitata fibrarum cæterarum partium oscillatione immodicè superior post diuturnas febres leucophlegmatiam aut ascitem gignit. In variolis vehemens per totam cutem Erethismus, quem si fibrarum interiorum oscillatio sustinere nequit, in cutis glandulis coacervata materies in partes internas, quarum debilius oscillatio, statim refunditur; unde graves alvi fluxus, quibusdam in partibus purulenta materia collectio, morsque ipsa nonnunquam lequitur, quòd si per totum corpus fibrarum oscillatio cutis irritationi sustinenda non impar sit, externæ suppurationis beneficio sanatur ager. Cave autem ne fibrarum interiorum oscillationem excitandi causâ novam intus concites Erethismum, quo contentio acrior fiat, dubiusque eventus. Crisis, nature ille impetus, vitæ aut mortis artifex, irritatas inter & oscillantes fibras quidam veluti consensus est ad attenuandum humorem in partibus stagnantem, eundemque foras propellendum. nec nisi statim temporibus recurrit ejusmodi consensus. Exemplo sint duæ chordæ inæqualis longitudinis simul pulsatae; non pulsationes habent isochronas, sed modò separatas, modò conjunctas. Si altera sit alterius subdupla, illa duas vibrationes, hæc unam tantum eodem tempore absolvet. Si sint inter se ut 24. ad 25. vibrationes nonnisi in 25^a. minoris chordæ undulatione conjungentur. Pariter intelligi possunt irritatae fibræ, quasi exiles chordæ longè crebrius solito oscillantes. Dum autem irritatarum fibrarum subtilitas, & æquabiliter oscillantium motus non sunt isochroni, non solum earum vis adversus tenentis fluidum remissior est: sed etiam longè quàm in naturali statu debilius esse potest, si duo illi motus opponantur. Si tandem per multas vibrationes eodem tempore consentiant, fluidis in parte laborante hærentibus superiores esse poterunt, & eorum moleculas ita contere, ut facillè per canales excretorios permeare possint. quod unoquoque 48. horatum spatium redire consuevit. Inde naturales, quæ vulgò accidunt in diebus criticis seu imparibus, evacuationes, præsertim si morbus ex acutorum genere: nisi obit curandi ratio. *Pæno usq* seu humorum Concoctio, quædam est subactio & attenuatio succorum crassiorum, qui irritatas inter fibras detinebantur, aut eorundem, cessante Erethismo, evacuatio. In criticis diebus plerumque morus advenit, cum materia, quæ intra fibras hærebat, nec subigi nec expelli potuit. tunc enim major sit vasorum obstructio, succorum insipissatio densior, nimia fibrarum dissentio: & ita augetur Erethismus non solum in parte affectâ, sed etiam per totum corpus, ut oscillationis motum, quo vita continetur, longè superet, & prorsus extinguat. Ere-

hismi causæ vel internæ vel externæ. Internæ vel in mente ut animi pathemata, vel in corpore, putæ succi aut spissiores & intrâ tenuissima vasa immorantes, quibus nimium distenduntur fibræ, vel aciores, quibus immodicè vellicantur. In eodem numero jure quoque repones adventitias quasdam causas, veluti adnascentes in pueris dentes, ossis fracturam aut luxationem, calculum in renibus, in intestinis vermes &c. Inter causas externas id omne recensendum est, quod corpus externè afficit: ær, frigus, calor, ictus, alimenta, venena, &c. Cacoehymia & Plethora morborum causæ improprie dicuntur, mera quippe symptomata ab Erethismo profecta. Hæc scilicet ex solæ transpirationis imminutione, illa verò ex peculiaris humoris evacuatione suppressâ: quæ quidem aut imminutio aut suppressio non nisi ab Erethismo meatus hujusmodi egestionibus destinatos occupante provenit. Nec tamen diffidendum est ex succis per vacationum suppressionem diversè alteratis diversâ se prodere morborum symptomata: At Causa morborum princeps, symptomatum parens aut nutrix, functionum interemptrix immediata, fibrarum Erethismus. Hoc sublato tollitur morbus, functiones restituntur, reparatur sanitas.

V.

FRUSTRA morbis volueris mederi, nisi fibrarum Erethismus emollire coneris. Ut vibrationibus pulsatæ chordæ, ita quoque Erethismo suus esset terminus, nisi aut permanens prioris causâ, aut succorum concrezione fibrarum *crispaturam* sollicitante, aut eorumdem morâ & acritudine continuò foveretur. Morbum sanare contendis? Erethismus sedâ. Qui sedatur? Procatartica & assidue irritantem causam remove. Fibras nimium tensas laxa. Succis crassioribus & inærentibus fluiditatem, acrioribus dulcedinem impertire. Succorum, qui in canalibus exuperant fibrasque distendunt, copiam non mediocrem detrahe. Particulis quibusdam interpositis muta fibrarum molem. denique Erethismi rhythmum contrarias irritationes solerter oppone. Nonne ad mitigandum Erethismum frictions, unctiones, balnea, thermas, lotiones, fomenta, cæteraque ejusmodi, quorum nunc rarior usus, Medici veteres adhibebant? Sic enim crispatis fibris molliem, partibus oscillatorium morum, crassioribus succis subtilitatem majorem conciliabant; sic liquorum percolationes secretionisque properabant. Sapius, ut contrariâ excitatâ irritatione remissior esset prior erethismus, partes remotiores fricare solebant. Frictio in longis, unctio in acutis morbis usu venerat. hæc dum fibras emolliebat, Erethismum, qui tunc violentus est, minuebat, illa coagularos succos conterebat eorumque tunc interclusas juvabat percolationes. Refrigerando, humectando, molliendoque corporis habitui aquæ calidæ: Eidem astringendo, fibrarum tono firmando, & oscillationi accelerandæ destinabatur aquæ frigida balneum. Inchoantium inflammationum, Erysipelatis, Arthritidis, quin & interdum convulsionum vim frigido quoque balneo retundebant. Cavebant tamen, ne frigus foret acerrimum aut diuturnum, quod tunc fibras ita constringit, ut, oscillatione prorsus interceptâ, stuporem partibus inducat. Cum plurima ab ipsâ artis medicæ inventione reperta fuerint, tum præcipuè sanguinis missio, quâ nihil promptius tutiusve sive ad sedandos dolores, sive ad inferendum calorem exringuendum, sive ad plethoræ succurrendum. Nonne autem Erethismum minuendo illud operatur? à quibusdam ad deliquium usque ægrotantis sanguis eximebatur. Tunc laxatis quæ prius turgescerant fibris, exinguebatur Erethismus. Verùm propter nimis enervatam oscillationem debilitati ægrotantes aut moriebantur aut ægrè se expediebant. Utilius ac felicius abundans illa sanguinis missio in plures ac parciores distributa est. At sese proximè sequantur oportet in acutis, ne, si satis iusta non elabrit sanguinis copia, ad vacuandos canaliculos aut fibras laxandas, non satis valeant. immò raro prostant post quartum ab ineunte morbo diem, ob fibras jam nimium crispatas, densatasque nimium liquores. Remedia vomitum provocantia olim apud sanos perinde ac ægrotos frequenter usu para, quæque postea diu ab usu recesserant, nunc rursus utiliter morbis accommodantur. Quid autem juvant? fortem expressionem in eâ parte promovent, unde liber exitus materiei inibi contentæ: quâ viâ per meatus excretorios ac deduci etiam possunt, quæ certis corporis partibus imminabant. Sæpe Erethismi rhythmum levi sed planè contrariâ irritatione inveniunt & prorsus extinguunt. Sic in alvi profluvio Hippocrates excitabat vomitum, quo confestim infernus secessus sursum revelleretur & solveretur. Ea est præterea emeticorum vis, ut vividos in visceribus succulsus excitent, fibrarum oscillationem ubique adaugeant, ac tandem liquorum cursum tardiores aut repressum ita extiment, ut per angustos canalium meatus foras propellantur. Huc copiosæ illæ vacationes per vomitum per alvum per sudores simul concite unicâ tantum stibii veluti atomo exhibitâ. inde quoque morborum acutorum initio adèò utilis, modò cauta, emeticorum exhibitio. Alius longèque diversus Purgantium usus, de quibus inter majores nostros lis semper mota est Merhodici omnes & plerique veterum purgationem ut super vacuum, immo ut noxiam respuerunt. Cæteri maximâ cautione utendum putant, eâ nempe, ut sint concocti humores fluidique; laxæque corporis fibræ. quæ conditio si desit, quid aliud sequeretur, quàm vehemens in intestinorum viscerumque abdominis fibris Erethismus, ac proinde inflammatio? Sedato tantum.

Erethismo purgantia exhibere licet, quanquam tunc temporis haud multum necessaria videantur. Laxis enim fibris liquores libere & ultro fluunt, ut in morborum salutaribus crisis observari solet. Verum siquid praestare valeant, illud solum, quod enervato oscillationi motui auxilientur: sic facilius succi in canaliculis propter fibrarum irritationem diutius immorati foras exiuntur. Apud veteres Medicos celebratum adversus morbos remedium, Diata. Vulgarissimum apud Hippocratem agrotantium alimentum *πισσάν & πικράδις χυλός*. Non tunc succulentarum carnum jusculis, ut hodie continuè agroti, sed bis aut semel per diem hordei cremore reficiebantur. Hic viduus ratione fibras laxando, succos mitigando salumque particulas aborbendo aut involvendo frangebatur Erethismus, quem è contrario corroborant nostra carnum juscula sulphureis & salinis partibus affluentia. Paulò pleniori victu indigebant agroti? illum ex oleribus desumebat Hippocrates. *Beta* nempe, *Bleti*, *Atriplicis*, *Rumicis* folia exhibebat, vel etiam *Citrullus*, *Pepones*, &c. hujusmodi. *Serum lactis* & varia *lactis* genera in chronicis affectibus propinabat. Hanc à Medicinæ instituto peritissimi quique Medici in sanandis morbis viam secuti sunt. His rationibus Erethismus, à quo Calor præter naturam & gravia morborum Symptomata, temperarunt. Nec, si tutò mederi velis, ab eâ tibi recedendum. Cave imprimis, ne ab Helmontii sectatoribus decipiaris, qui morbos ferè omnes alium tùm fixorum tùm volatilium ope sanandos existimant. Sic enim effervescentias fermentationesque sedare, acida coagulata absorbere, sulphura nimium exaltata cohibere, fermenta morbifera præcipitare contendunt. Si eos audias, sanguineam molem alcalibus oleosis attenuant, expurgant, & ejus recrementa per sudores propellunt. Sed verba isthæc sunt & itrophæ. Si enim ejusmodi salium alcalium oleorumque aromaticorum virtutem scrutatus fueris, stimulantia deprehendes, quæ solidas omnes, quas præterfluunt, partes ad irritationem concitare valent. Ubi frigidus & humidus aër corporis fibras laxat & succos ita condensat, ut fluidis propellendis solida sæpe imparia sint, tunc saluifera esse possunt, modò tamen nullus adsit Erethismus. Enim salibus volatilibus, aromaticis oleis roborata oscillatio & solidarum partium vis adaucta fluidarum conatum vincit, exinde succorum attenuatio cursus & secretiones propereat. Hinc quoque Septentrionalibus in partibus benigni nonnunquam horum remedium successit. Verum quàm raro possunt exhiberi! nam si jam violenta sit fibrarum irritatio, quanta ingruent mala? Attende parumper ad ea, quæ calidorum spirituosorumve liquorum sorbitionem sequuntur, incommoda nostris in regionibus, ubi fibræ satis sponte suâ distenduntur faciliè Erethismus concipiunt: affectiones hypochondriacæ mille variatæ modis, frequentes hæmorrhagiæ, hydrops, aræna & calculi in renibus & vesicâ, arthritis, quæ tam sæviter nostra in corpora debacchantur, horrendæ sunt horumque liquorum proles. Ab his vividis spirituosus, immo igneus remediis quid non metuendum? Et sanè in febribus alcalium volatilium & aromaticorum oleorum usû noxiò ardor augetur, cutis exsiccatur, totum inflammatur corpus, ac tandem Erethismus ubique accenditur. In Apoplexiâ iidem alcalini & oleosi liquores, celebratè Anglorum guttæ sæpe membranas omnes aduunt, agrotantisque mortem accelerant, quem sanassent copiosissima aquæ calidæ sorbitio & venæ sectio tempestiva. His enim, inspissatis corporis succis conciliata fuisset fluiditas, Erethismus in cerebro sistitatus, & imminuta vasorum plethora. Apoplecticorum, qui spirituosus usi sunt remediis, inspicie cadavera. Tunc ex ventriculi & œsophagi membranarum rubore & inflammatione anceps hærebis, morbo-ne an remedio absumpti fuerint. Ob perniciosos horum volatilium oleosorumque in hypochondriacis & scorbuticis affectionibus remedium effectus, à medicis, à quibus exhibebantur, in duas classes, frigidas nimirum & calidas, distributi fuerunt hujuscemodi affectus. In frigidis oleosa volatilia innoxia, in calidis verò noxia esse arbitrantur. Sed quàm frivola sit isthæc distinctio, ab intensiore aut remissiore morbi gradu tantummodò desumpta, quis non videt? Quid mirum, si, dum morbus nondum invaluerit, nec jam efferverit Erethismus, latent adhuc, quæ ab his remediis timenda sunt mala? Expecta paulisper, dum morbus certum inclementiæ gradum obtinuerit, nec possit magis intendi Erethismus quin lædantur functiones, statim istiusmodi remedium malignitatem deteges. Morborum enim symptomata ingravescere, agrotantisque maximum in vitæ discrimen adduci videbis. Nec aliâ de causâ cautissimi Medici scorbuticis in affectionibus anti-scorbutica quibusdam acidis temperare solent. Quin & solâ acidorum ope tutius citiusque scorbutici sæpe sanantur. In hystericis hypochondriacisque affectibus curandis nullum post Diluentia tutius potentiùve remedium, quàm sal volatile vitrioli, quod licet acidorum instar non corrodat, omnem tamen eorum virtutem retinet. Quale sit acidorum beneficium quæris? Recundunt alcalinos sales, nimisque exaltata in sanguine sulphura, quibus continuè fovetur fibrarum Erethismus: hunc præterea sistunt, dum sese inter fibras interponendo, illis rigiditatem quandam afferunt. Experimenti quotidie comperimus quantum juvent in inflammationibus Acida externè adhibita, in febribus verò internè sumpta ad earum ardorem non modò minuentum, sed etiam penitus extinguendum. Nonne etiam eam ob rem Hippocrates acetum potionibus

permissum ægris sæpius propinabat. At, inquires, Mars, Kina-Kina, Mercurius, nonne absorbentia sunt, quibus ea virtus inest, ut coagulantium acidorum vim obtineant? Minimè. Potenti Martis stypticitati, levique Kina-Kina astrictioni præcipue eorundem effectuum cause adscribendæ sunt. Ferrum succis corporis dissolutum ob stypticitatem suam partium fibras, ad quas defertur, corroborat & adstringit, & fibrarum fremitum planè destruit. Ferrum propter gravitatem in sola fere abdominis viscera delabitur. Kina-Kina propter partes subtiliores omnem prope pervadit corporis habitudinem, ubi Martis munere, sed debilius, fungitur. Idud autem providendum est, ne fibris desit flexilitas: alioquin gravior fiet ipsarum *crispatura*, & rigiditas, quam brevi excipient Tumores, Scirrhi, Abscessus, pejsotaque prioribus incommoda. In divisibilitate & mobilitate tota Mercurii actio. in tenuissimas eademque mobilissimas partes divisus, intra moleculas inspissatæ lymphæ in diversis corporis canalibus impeditæ fibrasque irritantis sese inserit, eamque tandem per meatûs evacuationi accommodos totam exigit. Si Etethismi placatione sanatur morbus, cur, inquires, Opium, quo sedantur dolores omnes, non pariter morbis omnibus medebitur? verùm eatenus Opium dolorem consopire valet, quatenus vias ad sensuum originem ocludit. Rationem postulas? Opium, fibrosam laxat sanguinis compagem, statim seceratur serum, & in majoribus vasibus colliquatus videtur sanguis. Hæret interim fibrosa pars in capillaribus arteriarum canaliculis, quos partim obstruit, dum sanguinis serosa substantia in canalibus majoribus exundans ira eos distendit, ut per omnia viscera cæterorum succorum vias comprimatur & coangustetur: unde secretiones aut exiguae aut penè nullæ. Nervi in cerebro, universali istâ canalium interclusione plûs minûsve compressi, impressionem factam sensuum in organis aut segniûs aut nullatenus transmittunt. At si immodica Opii dosis exhibita fuerit, aut si malè affectus sit æger, arteriolarum tumefactionem intensior in cerebro subsequitur Etethismus, indeque Phrenitis. Sin minûs succi in fibris impediti nimis crassescunt *crispaturam*que producunt, unde Coma aut stupor. Opium igitur, quem non sedat Etethismus, ad tempus abscondit, violentioremque postea in cerebro sæpius excitat; quamobrem in eo exhibendo summâ cautione opus est. Solâ itaque Etethismi sedatione verè sanantur morbi: Secus verò apparens tantûm & simulata morbi cutario, qui mox recrudescet. Etethismus prorsus extinguatur & omnia evanescent morborum symptomata, validæ redibunt functiones, vegeta sanitas. Nec certè aliam medendi rationem, diverso licet nomine usurpam, interunt pericissimi cujuscunque ætatis Medici. Nec aliam hodie, nec aliam in posterum quisquam eligat, qui laudabilem veri Medici titulûm assequi voluerit.

Ergo Etethismi Sedatio, Morbi Curatio.

Domini Doctores disputaturi.

M. Ludovicus Demondières Du-

gué.

M. Raymundus Jacobus Finot.

M. Claudius Berger, de Regiâ
scientiarum Academiâ.

M. Philippus Bernardus de
Bordegaraye.

M. Jacobus Simon Gilles de la
Rivière.

M. Ludovicus Lemery, de Regiâ
scientiarum Academiâ.

M. Joannes Daval.

M. Claudius Quignebeuf.

M. Bertinus Simon Dienxvoye.

Proponebat Parisiis JOANNES-CLAUDIUS-ADRIANUS
HELVE TIUS Parisinus, Baccalaureus Medicus.
A. R. S. H. 1708.